



A lokisetse Morena Sechaba se phethehileng. (Luka 1:17)

Tel: 28 350 466/ 62600983 (WhatsApp)

MOELETSI OA BASOTHO

PARARE DOMINO PLEBEM PERFECTAM



6

**Ba khothaletsoa
kutloelo-bohloko**

Ba ikisa ho TK

7



LEPHAKO LE'A UBA



Access Our Books on Akello Library!

Explore a wide range of our books anytime, anywhere.
Visit Akello Library today and start reading!

#ReadAnywhere #AkelloLibrary #ExploreMore



<https://library.akello.co/downloads>

Follow the link

bookcentre@mazenodprinting.co.ls

Need guidance? Call/ / WhatsApp: 27 350562 / +266 57396597

MOELETSI

Ho ne ho emetsoe'ng?

'Muso ka Lekala la Khoeb, Mesebetsi e Mehola le Likhoeb tse Nyenyane le entse taba e ntle haholo ea ho aha Setsi sa Boleng le Lipehelo. Setsi sena ke se tla hlahloba boleng ba lihlahisoa tsa Basotho pele li leba mebarakeng ka ho fapakana e ka ba kante kapa kahare ho naha. Ha joale Basotho ba ntse ba isa lihlahisoa tsa bona litsing tse ikemetseng 'me ba lefa litheko tse holimo haholo. Ka hona setsi sena se tlo' ba molemo ho bona kaha sona se tla etsa joalo ka litheko tse tlaase.

Leha ho le joalo, mokonteraka ea ntseng a aha setsi sena sebakeng sa Ha Tikoe o re 'muso ha e-s'o mo lefe, 'me joale o sitoa ho lefa basebetsi hoo a qetellang a sebelisitse chelete ea kampani. Ho feta mona taba ena e liehisa tšebetso hobane morero e ne e le ho phethela moahona o liphaposi li 27 ka khoeli ea Motšeanong isao, empa joale o se o tla fela ka khoeli ea Loetse hona isao. Ka hona o entse boipiletso hore ba ikarabellang ba phethe boikarabello ba bona hobane ho phetheloa ha setsi ho tlo' tlišetsa Naha ea Lesotho, ka bahlahisi ba eona, melemo e mengata. 'Muso oa habo rona le se le qalile hantle ka hona se ka tlailang pina seemeng tjena, lefang mokonteraka a qetele moaho e le hore likhoeb tsane tseo le itseng li ngolisoe mahala li tsebe ho rekisa lihlahisoa tsa tsona tsa boleng ka makhethe.

Mekhatlo e Ikopanetseng ea Basebetsi ba Lifeme e bontša ha e tla ithomella ho Tona-Kholo ea Lesotho ho ea ikutloela molomong oa pere hore na hantle 'muso o rerile ho etsa'ng ka lifeme. Sena se tlišoa ke hore lenaneo la AGOA leo e leng mokokotlo oa tlhahiso ea mesebetsi ea lifeme kahar'a Naha ea Lesotho le fihla pheletsong khoeling eona ena ea Loetse. Ba re ba lekile ho kopana le tona-kholo ea ileng a romela a mang a matona a faneng ka karabo ea hore 'muso o sa il'o inahana. Ekaba boinahano boo bo tla nka nako e kae ha e bile e le moo nako e fetile? Ha se feela ba reng ba batla tona-kholo ka sebele hobane joale ho leng tšietsing ke bophelo ba bona.

Lifeme ke tse ling tsa lintho tse thusang ho holisa moruo oa Lesotho ka tsela e khethileng, le hoja re bone ka nako ea seoa sa COVID-19 ho ile hoa koaloa tse 'maloa. Hape kamor'a hore Naha ea Amerika e nyolle likhafa tsa khoebisano lifeme tse ling li ile tsa fokotsa basebetsi, ha ba bang bona ba se ba theohela habeli ka beke. Taba ena e ama meputso ea bona e se ntse e le sieo. Mekhatlo e bontša e ile ea etsa boithuto 'me ea fumana hore mosebetsi ka mong o lokela ho lefshoa bonyane M6, 627.00, eo ho seng le mosebetsi le ea mong a e atamehang. Tona-kholo o lokela ho ema ka maoto ho lokisa taba ena ea lifeme hobane ehlile e kenyetsa naha metsi ka moeli. Phala ea Lekala la Khoeb, Mesebetsi e Mehola le Likhoeb tse Nyenyane, e bontšitse ha ho fihlile tlhokomelong ea bona hore lenaneo la AGOA le fihla pheletsong.

Ka hona ba ntse ba rera ho palama nonyana-tšepo ho leba Amerika ho buisana le bao hape le ka ho theola likhafa tsa khoebisano lipakeng tsa Lesotho le naha eo. Ho emeloa hore ntlo e oe ebe ke hona e tla ahoa? 'Muso ha o'a tseba maobane hore lenaneo le'a fela khoeling ea Loetse, hobane'ng ho sa phahameloa mapoqo nako esale teng? Kapa chee mohlomong ho na le hoo ba ho tšepileng ho molemo? Re sa thehile meriti re bone.

Naha ea habo e shebahala e nkela taba ea bohahluli hloohong matsatsing ana, mohlomong re lokela ho leboha moahi eane oa Naha ea Ghana ka ho re etela 'me a bontša machaba bottle ba Lesotho. Ke mona re se re utloa hore Koporasi ea Bohahluli Lesotho (LTDC) ka kopanelo le Thapoha Hiking Club li hlophisa leeto la pele la mofuta oa lona le tla tloha Seterekeng sa Mohale's Hoek, motseng oa Morifi ho leba koana Thaba-Ntlenyana e Seterekeng sa Mokhotlong habo Liphamola Leeto lena le tla nka matsatsi a 14, 'me morero oa lona ha se feela ho tsebahatsa Naha ea Lesotho kapa ho ithapolla empa ke ho thusa sechaba seo batho ba nkang leetong ba tla feta har'a metse ea sona.

E mong oa bahlophisi ba leeto lena o re libakeng tseo ba seng ba ile ba tsamaea ho tsona ba se ba thusitse sechaba mathateng ao se kopanang le ona a bophelo ba letsatsi ka leng. Nkhono eo ntlo ea hae e neng e se e oela, ba ile ba mo fumanela mothusi. Ho feta mona ba fana ka mesangoana ea boithoekiso ho banana. Ntle ho moo ho sechaba se nang le liphoofole tse kang litonki kapa lipere se fumana chelete nakong eo ba sebelisang liphoofole tsa sona. Ehlile leeto lena ha le bapatsa naha feela empa le thusa ho kopanya Basotho; ho ruta batho ba phelang mabalane bophelo ba ka luting le hore na liqholotso tsa bona ke life. Le aha likamano tse ntle lipakeng tsa sechaba, ho se be le ea ikutloang eka o molemo ho feta e mong. Hape Basotho ba ke ba tsebe naha ea habo bona ka kotloloho pele ba ka etela linaha tse ling.

MOLIMO A BOLOKE LESOTHO LE BASOTHO

Tlhopho-bocha ea moruo ke tharollo ea bofuma-Au

Nthabeleng Seitlheko

Mookameli oa Ntlo ea Mahosana, Monghali Tsukutlane Au o re mathata a naha ena a ka rarolloa feela ke ho potlake-la ho kena tlhopho-bocheng ea moruo. O boletse tsena ka la 9 Loetse monongoa-ha, pulong ea Ntlo ea Mahosana.

O bontšitse hore tlhopho-bocha moruong e tla etsa hore ho be le tharollo ea mathata a moruo. H'a tsoelapele o re tlhopho-bocha ena eo ho ntseng ho buoa ka eona e mekhahlelo e supileng, 'me ke hona ho phethetsoeng mokhahlelo

sena se tla thusa hore matlo a se ka ahoa masimong molemong oa hore ho lengoe ho ona.

Leha ho le joalo, a re ba motlotlo hore ebe ba tsebile ho fetisa Setšoantšo sa Molao oa 10, 'me a re hoo ke katleho e kholo kaha ba na le lilemo tse 10 ba pitika le sona.

A re leha leeto leo le ne le se bobebe, ke lona le ba thusitseng hore ba tlohe melomong ea baahisane ba bona, eaba SADC ea ba hlakola har'a linaha tse se nang khotso.

A re seo ke tlotla e kholo hobane Lesotho le ne le le sekhoibong sa ho lula le tataisoa ke linaha tse ling joalokaha eka ha le tsebe

thabetse taba ea hore ebe Tona-Kholo o sebelelitse hore ebe Lesotho le hlakoloe lenaneng la linaha tse se nang khotso kaha seo se ne se ba tlišelitse bolutu. O re taba ena e ne e le bohloko hobane ba ne ba balloa har'a linaha tse sitoang ho boloka khotso esita le hona ho hloleha ho ipusa, ka hoo o thoholetsa mosebetsi oo a o entseng.

Leha ho le joalo a re leha Setšoantšo sena sa molao se fetile tjena se fetile ba sa khotsofala kaha maikutlo a bona a sa kenyelletsoa. A re ba khethile ho robala ka leqebeng molemong oa poloko ea khotso leha ba ntse ba utloa hore ha ba thabela taba eo.



oa pele kamor'a lilemo tse 10, ka hoo tšebetso e thak-hohile.

A bontša hore matlo ana a mabeli a ketsa-molao, a ntse a sebetsana le likarolo tsena ka ho latellana ha tsona, 'me ea ho qetela ke tlhopho-bocha litabeng tsa moruo.

Au o itse tlhopho-bocha ea moruo ke eona e kholo ka ho fetisisa le hoja e tla qetellong, ka hoo ho feteloa ha eona e tla qaolla naha ena tebe-tebeng ea bofuma.

A re ha o'a lekana hore ebe Lesotho le phela cheleteng ea lekhetho le hlahang ho SACU, empa le lokela le be le mekhoha e meng ea lekeno, 'me a re ha ho e-ba le tlhopho-bocha ho tla ba le boto ea naha ea meralo e tla tataisa litabeng tsa moruo.

A re boemong boo ho nang le tlhopho ea moruo, ho ka ba le boto e tsamaisang litaba tsa mobu, 'me

letho. O re seo se tla etsa hore naha ena e shebane le litaba tse ling tse ahang moruo oa eona.

O supile hore tlhokahalo ea mosebetsi kahar'a bacha e ntse e le tlhorong ka karolo ea 39 lekholong, 'me a re haeba ho nka lilemo tse 10 hore ba phethele mokhahlelo ho tla nka lilemo tse ngata ba shebane le litaba tsa lipolotiki ho e-na le hore ba shebane le tsa moruo.

A re ha naha e ka potlake-la tlhopho-bocha ea moruo e tla re thusa hore re be le moralo oa hore lihlahisoa tsa rona li se ke tsa tsoela ka ntle ho naha li sa lokisoa e leng se etsang hore li tliše lekeno le fokolang.

Oo itse mokhoa oa Lesotho oa thuto le oona o lokela o nyakureloe, moo a bontšitseng hore o lokela o hlahise baithuti ba ka thehang mesebetsi.

Morena oa Sehlooho oa Koeneng, Morena Lesaoana Peete o bontšitse hore o

A supa hore hangata Motlotlehi o rata hore ba ke ba behe sechaba pele ho bona ha ho tluoa bosebeletsing, ka hona a ipiletsa ho bo-mphato ka Ntlong ea Bakhethoa ba Sechaba hore ba ke ba behe sechaba pele ho bona.

Morena oa Leribe, Morena Joel Motšoeni o tšoetse ka mathe ketso e etsoang ke lequloana le ipitsang 'Dudula' le hanelang matsoalloa a linaha tse ling ho fuoa litšebeliso tsa bophelo.

A supa hore leha Letona la Bophelo le ile la kopana le mphato'ae o ntse a lokela a etse tšalo morao ea litaba tseo kaha Lesotho le Afrika Boroa li na le likamano tse tebileng.

Motšoeni o ipilelitse ho Lekala la Bophelo ho nka khato ka tlhokahalo ea litlhare Litsing tsa Bophelo tsa likereke. A re ho na le batho ba nang le matla a ho ithekela litlhare, empa ba bang bona b'a sitoa.

Contacts: +266 28350 466

62600983 WhatsApp

Email: newsroom@moeletsiobasotho.co.ls

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO
A LOKISETSE MORENA SECHABA SE PHETHEHLENG (LUKE 1:17)

Editorial

Lesetsa Rakubutu

(+266) 6203 1949 / 58190670

EMAIL: editor@moeletsiobasotho.co.ls

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seitlheko

57 665 038/ 68 216 271

Tšelisio Thakholi

58 540 853/ 63 480 404

Production Desk: 'Mateele Liqa

O sebetsa ka lephako

Nthabeleng Seithleko

Lekala la Khoebo, Mesebetsi e Meholo le Ntlatfatso ea Likhoebo ka Lefapha la Lipehelo le Ntlatfatso ea Boleng le bile le thupelo le baphatlalatsi ba litaba ho hlalosa khatelopele e seng e entsoe morerong oa ho aha Setsi sa Lipehelo le Boleng ka la 8 Loetse monongoa.

Letona La Khoebo, Mesebetsi e Meholo le Ntlatfatso ea Likhoebo, Mohlomphehi Mokhethe Shelile o hlalositse hore baphatlalatsi ba bapala karolo ea bohlokoa ho fetisetsa litaba tsa 'muso sechabeng, ka hoo hoa lokela hore likamano tsa bona le 'muso li lule li le ntle.

A re sena se tla thusa hore moo 'muso o ntseng o hata ka lebatha ba tsebe ho o atamela, e le hore ba tlalehe litaba tsa 'nete le ho thusa sechaba ho tseba ka litšebeliso tse fanoang makaleng a 'muso.

A re ka bophatlalatsi ba 'nete, sechaba se tseba lintlatfatso tse amanang le sona kapa likhoebo tsa bona ekasita le ho thusa ho phatlalatsa likatleho tse fihletsoeng, 'me le bona ba nena kamehla ho phatlalatsa litaba tse se nang 'nete ho qoba ho hlohleletsa meferefere.

A re Setsi sa Lipehelo le Ntlatfatso ea Boleng e le setsi se tlii'o thusa bahlahisi ho



fihlela lithoko tsa limmaraka tsa machaba. A bontša hore morero oa ho aha setsi o se o thakhotsoe, 'me sona se tla sebetsa ho hlahloba boleng ba lihlahisoa tsa Basotho pele li ka fetela 'marakeng oa naha le oa machaba.

Ho sa le joalo, o bontšitse hore ho bohlokoa ho fetisetsa thuto ho baphatlalatsi pele e ka fetela sechabeng, kaha e le bona ba ka tsebang ho thusa hore thuto e joalo e fihlele sechabeng ka mokhoa o nolofetseng ebile o potlakile. A re e se e le nako bahlahisi ba naha ena ba hlahloba boleng ba lihlahisoa tsa bona kantle ho naha moo ba lefang litjeo tse boima, ka hona ba ikelletse ho potlakisa khaho ea setsi e le hore bahlahisi ba tsebe ho hlahloba kahare

ho naha ka litjeo tse tlaase.

Mookameli Lefapheng la Lipehelo le Ntlatfatso ea Boleng, Molebatsi Rabolinyane o bontšitse hore khaho ea setsi e tšehelisoa ka lichelete ke 'muso. A re selemong sena sa lichelete lekala le filoe chelete e kaalo ka M90 Million ho ntšetsepele mosebetsi oa khaho ea setsi, 'me se tlii'o ahoa Ha Tikoe moo bohola ba lifeme bo ahiloeng teng.

Rabolinyane o hlalositse hore setsi sena ho fihlela ha joale se ntse se ikarabela tlas'a bolisa ba lekala la khoebo hobane se ke ke sa tseba ho ikemela ka lebaka la chelete e hlokalahalang ho se tsamaisa.

O re ba ile ba etsa boithuto ho tsoa linaheng tse 'maloa kahare ho Afrika e le ho ipapisa le boleng ba litsi tseo

ba seng ba li ahile joaloka Botswana, Afrika Boroa le Eswatini 'me ba ile ba nka malebela pele ba ka qala moralo oa khaho ea setsi.

O re taba-tabelo ea lekala ke hore setsi se ahoe moo Mosotho e mong le e mong a tla fihlela, a lefa litjeo tse tlaase ho feta moo ba ntse ba hlahloba teng e leng litsing tse ikemetseng.

A bontša hore kahare ho linaha tsa Afrika, Lesotho le hlaha linaheng tse nang le leano la tšebetso la teka-tekano, 'me ba tlii'o netefatsa hore moaho oo o kenyeletsa batho ba nang le bokooa ho ba le monyetla oa ho kena moo ntle le tšitiso ea letho.

O netefalitse hore ke setsing sena moo lihlahisoa tsa Basotho li tla hlahlojoa boleng le lipehelo tsa 'maraka e le hore li tsebe ho rekisa hantle machabeng.

A re khaho ea setsi sena ke ho tla thusa bahlahisi ba naha ena hore lihlahisoa tsa bona li fihle 'marakeng ea machaba li hlahlobiloe hantle hore na li na le lithoko tse hlokoang ke machaba e le ho fetola bophelo ba Basotho.

Ofisiri ea Molao ea Lefapha la Bolepi, Qenehelo Lenka o bontšitse hore ho bohlokoa ho bahlahisi ho isa lihlahisoa tsa bona tlhahlobong pele li ka fetela ho baji, kaha seo se thusa hore baji ba tsebe se ka bang kotsi kapa molemo ho sehlahisoa se joalo. A re ho thusa hore lihlahisoa tseo li tsebahale kahare ho 'maraka ea machaba haholo ha e

le lihlahisoa tse entsoeng ka lihloliloeng tsa Lesotho tseo linaha tse ling li se nang tsona.

Lenka o supile hore meralo ea naha e tšehetsang ntšetsopele le ho kenya tšebetsong tlhahlobo ea lihlahisoa o ntse o lumella feela ho hlahloba lijo le metsetsi setsing sa lekala.

O re ba batla ho bona ba fihlela boemong ba ho hlahloba litlotso kaha ho bonahahetse tlhahiso ea tsona e hola ka sekahla haholo ebile e le tse thusang ho phekola mathata a fapakaneng.

O ipilelitse ho mafapha a ikemetseng le mafapha a 'muso ho thusa bahlahisi haholo bacha, kaha seo se tla holisa likhoebo tsa bona ha lihlahisoa li se li rekisa 'marakeng oa machaba ba tla tseba ho felisa tlhokahalo ea mesebetsi.

Ho fihlela joale, khaho ea setsi e se e hatetse pele ka karolo ea 20%, 'me e qalile ka Pherekhong selemong se holimo, 'me tebello ke hore e tla phetheloa ka Loetse isao. Khaho ena e tšehelisoa ka chelete e M259 Million hore e be phethetsoe 'me eona e tla ba le liphaposi tse 27 ka moo ho tla hlahlojoa lisebelisoa.

Ke hona thupelong ena, moo baphatlalatsi ba ileng ba ea bona sebaka seo ho ntseng ho ahoa setsi sena ho sona, Ha Tikoe. Mokonteraka ea abetsoeng mosebetsi ona George Zizhou ebile e le moikarabelli oa morero ho hlaha khoepong ea Qing Jiana and founder JV, o hlalositse hore ba hema ka leqeba kaha 'muso o e-s'o ba lefe 'me sena se ama tšebetso ea bona hobane ha ba atlehe ho lefella lisebelisoa.

A re taba e bohloko ke hore nako eo ba lokela ho qeta khaho ena ka eona e ntse e atamela 'me seo se tlo qetella se ekelitse litjeo tsa tšebetso. O re ka toka ba ne ba lokela ho qeta mosebetsi ka Motšeanong 2026 empa ho latela tiehiso ena ba tla qeta ho elella mafelong a selemo.

O re Naha ea Lesotho ha e ka susumetsa khaho ena ka matla ho tla thusa ntlatfalang ea moruo le ho nolofaletsa Basotho ho hlahloba lihlahisoa tsa bona habonolo ka litjeo tse tlaase.

"Ke ipiletsa ho 'muso ho re lefa kaha ba re tšoarellitse re sitoa ho sebetsa le ho lefa meputso ea basebetsi hoo ba qetellang ba ntse ba lefshoa ka lichelete tsa khoebo." ke Zizhou eo.



MOELETSI O TŠEHETSA BACHA

Tšeliso Thakholi

Bacha ba Naha ea Lesotho ba bonahala, nakong ena e thata bophelong ba bona ea tlhokahalo ea mesebetsi e ntseng e phahama letsatsi ka leng, karolo e kholo ea bona e ikemiselitse ho nyolla moruo le ho matlafatsa bophelo ba bona ka mekhoe e fapakaneng ea ho itlhlahisa likhoebo ka sepheo sa ho iphelisa. Ntšiuoa Makoele ke e mong oa basali ba banyenyane ba nang le leseli litabeng tsa ho itlhlahisa likhoebo.

Ke mothehi oa khoebo e etsang lihlahisoa tsa lebeso e bitsoang Boreleli Dairy Products. E hlalisa har'a tse ling tse ngata yoghurt, lebeso la mafi, li-juice, cheese le peanut butter. O qalile khoebo ena ea hae ka selemo sa 2015, 'me ea ba ea ngolisoa ka molao ka sona selemo seo.

E bile khoebo ea pele ka sona selemo seo e ileng ea qala ho hlalisa yoghurt ka lebeso, 'me sethathong ba ne ba hlile ba tsepamisitse maikutlo a bona tlhahisong ea yoghurt feela, ba ntse ba le tlasa kampani e kholo ea bahlalisi ba lebeso e bitsoang Lesotho Dairy Product, e ntseng e fuoe matla a ho laola likampani tsohle tsa lihlahisoa tsa lebeso. Makoele o re:

TŠUSUMETSO

Tšusumetso e kholo e ileng ea etsa hore ke qale khoebo ea mofuta ona ke hobane haesale ke e-na le lerato la khoebo ho tloha ha ke ntse ke le Sekolong sa Mathomo, ho ea ho se Phahameng sa Masitise Seter ekeng sa Quthing ho fihlela ke ba ke kena Sekolong se Seholo sa Sechaba (NUL). Ha ke le ka NUL ke ne ke rekisa lihemphe tse ntle ka tsela e makatsang ke ntse ke ntšetsa lithuto tsa ka tsa botichere pele.

Ha ke qeta ho fumana lengolo la botichere ka NUL ke ile ka fumana mosebetsi oa nakoana ka lifemeng, 'me ka boela ka fumana mosebetsi oa botichere sekolong se ikemetseng se neng se sa tsoa thehoa se bitsoang Mohloli English Medium. Ke hona moo ke ileng ka khethoa ke le Mookameli

oa Sekolo, empa e re kaha taba ena ea khoebo e teng maling a ka ke ile ka tlohela kamor'a ho fumana lithupe-

ka lona. Ka boela ka ithuta hore 'maraka oa mofuta ea lihlahisoa tsa lebeso o mongata haholo kahar'a naha,

li-juice ka mofuta, cheese le tse ling tse ngata.

Taba e 'ngoe e kholo e ileng ea ntšusumetsa ho theha Kampani ea Boreleli, e ne e le ho fokotsa sekhahla sena sa ho lata tsohle Afrika Boroa empa e le lintho tseo re ka 'nang ra iketsetsa tsona. Ho feta mona e kholo ke ho tšehetsa Basotho ba ruileng likhomo tsa lebeso ka ho reka lebeso le ho loantša tlhokahalo ea mesebetsi kahare ho bacha ka ho ba fa mesebetsi. Hajoale ke na le ba tšelelseng bao ke sebetsang le bona, 'me ba bararo ke basebetsi ba nako eohle ha ba bang ba bararo e le ba nakoana.

KHOLO EA KHOEBO

Khoebo ea ka e ntse e hola hantle kaha boholo ba lebeso leo re le rekang le tsoa ho bana ba Basotho kaha takatso ea rona e le hore Basotho ba reke lihlahisoa tse teng kahar'a naha.

LIQHOLOTSO LE LIKATLEHO

E re kaha ho se tsela e se nang moepa, liqholotso li teng khoepong e 'ngoe le e 'ngoe empa tseo 'na ke nang le tsona ke ho hloka botšephehi ha batho ba bang bao re rekang lebeso ho bona. Ba le eketsa ka ho le hlapolla ka metsi kapa ho le etsa hore e ke le na le mafura ka ho tšela rama kahare ho lona. Sena se senya lihlahisoa tsa rona

li tletse hohle mona mapatlolong a literopo tse kholo, 'me li rekisoa ka theko e tlaase 'me hoo ho re senyet-sa khoebo.

Re hlile ho ba ikarabellang empa sello sa rona ho bonahala se sa ba hlomole ho hang. Bothata bo bong boo re tobanang le bona ke hore bo-ramabenkele ba batla ho reka lihlahisoa tsa rona ka litheko tse batloang ke bona, empa ba sa natse litšenyehelo tsa rona.

TORO

Ke lakatsa ho iphumana khoebo e se e fumaneha hohle Lesotho kaofela 'me re hirile bacha ba bangata. Ke rata ho iphumana ke butse sekolo moo bacha ba tlang ho rupeloa ka litaba tsa khoebo le ho itlhlahisa yoghurt e le hore ho se hlole ho e ba le e ka kenang kahare ho naha ho tsoa linaheng tse ling.

KELETSO HO BACHA

Bohlokoa bo boholo ke ho ba le tsebo ea seo mocha a se etsang. Bacha ba etse lintho tseo ba ka tsebang ho iphelisa ho latela mangolo ao ba nang le ona kapa lineo tseo Morena Molimo a ba fileng tsona. Le baka ke hobane monyetla oa ho hore mocha a ka tsoara lengolo ho fihlela a tsofala, ha feela a sa le sebelise ka ho itšebetsa o mongata haholo. Khoebo e hloka bacha ba nang le mamello le lerato la



lo tsa khoebo ke Mokhatlo oa Machaba oa UNESCO.

MABAKA A HO THEHA KHOEBO

Kamor'a ho fuoa koetliso ke UNESCO eo ke

empa boholo ba lihlahisoa tsa teng ke tse hlahang Naheng ea Afrika Boroa.

Ka bona hore tsa Lesotho li'a fokola. Ke ha re tla qala ho sebetsa ka thata ho hla-



ratang ho e leboha ka tsela e khethetsehileng ka lerato, mamello le ho sebetsa ka mofuthu, ho ile ha fihla tlhokomelong ea ka hore lebeso ke se seng sa lihlahisoa tsa bohlokoa kahar'a naha seo motho a ka tsebang ho se sebelisa, ho hlalisa mofuta e fapakaneng ea lihlahisoa

hisa lihlahisoa tsa Lesotho tse entsoeng ka lebeso ka bongata bo boholo, ho leka ho loantša boemo bona kaha e ne e le lintho tseo re ka tsebang ho li etsa. Leha re ile ra qala ka mofuta e fapakaneng ea yoghurt, hajoale re se re hatetse pele haholo kaha re hlalisa mafi,

haholo hoo ka nako e 'ngoe, re bang le tahlehelo e kholo ea hore tse ling tsa lihlahisoa tsa rona li khutla ho baji. Qholotso e 'ngoe e kholo ke ho kenngoa ha yoghurt ka likhoroana tsa matsa kaha sena se re senyetse 'maraka hobane tsena tse keneng ka litsela tse sa lumelloang

eona haholo. Bacha ba ka ratang ho rutoa ka mosebetsi oa rona, mamati a butsoe ba tle re tla ba fa likoetliso tsa mofuta o joalo feela e be bacha ba nang le lerato le tebileng la khoebo, ba tla tseba ho mamella lebatama le liqholotso tseo ba tla kopana le tsona tšebetsong.

Ba itlhophela likoluo

Nthabeleng Seithleko

Lefapha sa Thibelo le Taolo ea Likoluo (DMA) e tekenne selekane le Lekala la Tekano, Bacha le Ntšetsopele ea Sechaba, Lefapheng le sebetsanang le Litaba tsa Lithuso tsa Sechaba, o hlalosa hore ba fana ka litsiane ho maqheku, batho ba nang le bokooa 'moho le malapa a anngoeneng ke tlaa. A hlalosa hore kahar'a mosebetsi ona ho sebelisoa Sesi sa Pokeletso ea Litaba tsa Bophelo ba Malapa (NISSA) se thusanang ka ho hloaea malapa a tobaneng le mathata a tlaa, likoluo kapa batho ba phelang le bokooa ba lokelang ho fumana thuso, hore ba fumane litsiane ka mokhoa o hlophisitsoeng ekaba khoeli le khoeli kapa likhoeli tse tharo.

DMA e bile sebakeng sa Leribe, Tsikoane ka la 10 khoeling e holimo moo teng ho hlahisitsoeng sehlopha sa bacha se ntseng se potoloha kahare ho metse ho fuputsa palo ea sechaba, mekhoe ea ho phela le mefuta ea batho ba tloksing ka Puso ea Libaka ea Hlotse.

Mofumahali 'Mamonyaku Koloti ho hlaha DMA o hlalositse hore ke nako e telele haholo ba bona hore nakong eo lipula li nang sebakeng sa Tsikoane ho na le moo ho hlokomelile hore ho na le matlo a sesang kahar'a metsi.

O re lefapha le ile la qetella le bile le boikeletso kamor'a sealuma sa COVID-19, moo teng ho bileng le boithuto ba hore na hobane'ng DMA e sa ka ea atleha ho thusa le hona ho sireletsa sechaba nakong ea likoluo, ke moo geto e bileng hore ho ne ho sa itokisetsoa likoluo ka tsela e nepahetseng.

A re ba boetse ba lemoha hore e 'ngoe ea lintho tse entseng hore ebe tšebetso ha e'a ba le katleho sebakeng sa ho sireletsa sechaba nakong ea likoluo, ke hobane bafani ba litšebeliso tsa sechaba ba hlaola ba furallane.

O hlalositse hore ba ile ba ikeletsa hore ba kopane 'moho ho ba ngatana-nngoe hore mosebetsi o nolofale sebakeng sa ho sireletsa sechaba khahlanong le likoluo, moo teng a bileng a hlalosa hore kamehla thibelo le taolo ea likoluo e boikarabellong ba motho e mong le e mong.

A tsoelapele ho hlalosa hore ba ile ba etsa boithuto boo ka bona ba fupulit-seng hore na ke libaka life tse tloksing, moo teng ho ileng ho hloauoa sebaka sa Matukeng, e leng moo ha pula e ka na ka matla matlo a sesang kahar'a le-tamo la metsi.

A phethela ka hore ba etsa boithuto bo phethahetseng mabapi le ho fumana hore na sebakeng se itseng liqholotso ke life, e se re ka nako ea tloksi eaba ke hona ho tla fuputsoa hore na ho thusoa bo-mang hokae.

Setlaba Phalatsi ho tsoa Lekaleng la Tekano, Bacha le Ntšetsopele ea Sechaba, Lefapheng le sebetsanang le Litaba tsa Lithuso tsa Sechaba, o hlalosa hore ba fana ka litsiane ho maqheku, batho ba nang le bokooa 'moho le malapa a anngoeneng ke tlaa. A hlalosa hore kahar'a mosebetsi ona ho sebelisoa Sesi sa Pokeletso ea Litaba tsa Bophelo ba Malapa (NISSA) se thusanang ka ho hloaea malapa a tobaneng le mathata a tlaa, likoluo kapa batho ba phelang le bokooa ba lokelang ho fumana thuso, hore ba fumane litsiane ka mokhoa o hlophisitsoeng ekaba khoeli le khoeli kapa likhoeli tse tharo.

A bonts'a hore sisu sena se tšehelitsoe ke European Union (EU), World Food Programme (WFP) le World Vision tse nang le tšebeliso ea nako e telele haholo le 'muso.

O itse kaha maemo a sechaba a lula a fetoha, ho bohlokoa hore tšebeliso ena e nchafatsoe khafetsa, ho netefatsa hore thuso e fihla ka nako e bile ka nepo ho ba e hlohang. A re taba ea bohlokoa ka ho fetisisa ea mosebetsi oa sisu sena ke ho loantša mathata a bakoang ke likoluo, ho netefatsa hore lithuso tsa sechaba li fihla kapele ha mathata a hlaha.

A tsoelapele hore ho bohlokoa hore malapa ohle a ngolise litho tsa oona, e le hore mosebetsi o atlehe. A ipiletsa ho sechaba hore malapa a sa atlehang ho ngolisoa nakong eo ho nt-seng ho kokotelo malapa, a khothaletsa ho ea mareneng ho netefatsa hore ba kenngoa mananeng, kaha sena se etsoa ho qoba hore sia malapa a nang le tlhoko ka thoko.

'Musi oa Setereke sa Leribe, Letsema Khalanyane o hlalositse hore liphuputso tsena li etsoa e le karolo ea morero oa boitokiso ba literopo mabapi le likoluo, ho kenyeletsa NISSA tlasa Lekala la Tekano, Bacha le Ntšetsopele ea Sechaba e le ho matlafatsa boitokisetso nakong ea likoluo tse ka bakoang ke lipula tse matla.

A re morero ona ha o amane feela le ho etsa liphuputso, empa o ikemiselitse ho aha bokhoni ba baahi le ho ba fa litsebo sebakeng sa ho thusa ho sebetsa ka katleho nakong ea likoluo li ka hlahang.

A re bohlokoa ba tšebeliso na lipakeng tsa mafapha a fapakaneng 'moho le sechaba, a hlakisa hore katleho

ea merero e joalo e itšetleha haholo ho sechaba le bae-tapele ba teng ka ho kenya letsoho.

A khothaletsa sechaba ho ba mafolofolo ho nka karolo ka botlalo mererong ena e le karolo ea boitokisetso ba likoluo tse kang lipula tse matla.

Moemeli oa WFP, Emily Doe eena o itse libakeng tse amehang haholo nakong ea likoluo joaloka sebaka sa Matukeng, motsotso o mong le o mong o bohlokoa ha koluo e hlaha, 'me NISSA ha se feela lenane empa ke monyetla oa bophelo hobane thuso e fihla kapele ho ba e hlohang.

A re ke ka boetapele bo matla ba Lekala la Bacha,

Ntšetsopele ea Sechaba le DMA ka tšehetso ea 'muso mosebetsi oona o bona-halang o atlehile haholo.

Doe o khothalelitse hore NISSA e lule e nchafatsoa hape e sebelisoa likoluoeng le ntšetsopeleng le hore mohlala ona o atolosoe ho potoloha le naha hobane boitokisetso bo fetola bophelo nakong ea tloksi le likoluo.

E mong oa bacha ba neng ba tsamaea metseng, Thabiso Koali o bontšitse hore mosebetsi oa DMA e o et-sang o tlii'oa thusa sechaba nakong ea likoluo li ka bang teng, kaha ba tla be ba e-na le lintlha tse felletseng hore na ho pheloa joang sebakeng se ka bang

le mathata.

A ipiletsa ho sechaba hore bao e bang ba ntse ba sa fumanehe nakong eo ba nt-seng ba kokota malapeng, ba itlahise mareneng a bona kaha ba ntse ba sia lipampiri tseo ka tsona ba tlang ho kena mananeng, le hore ba be le mamello ea ho sebetsa le bona kaha more-ro ona o tlii'oa thusa sechaba ka kakaretso.

A re ho bohlokoa hore malapa kaofela a hlahe mananeng hore ha ho etsoa liqeto li etsoe ho ipapisitsoe le lipalo tse napahetseng. A re ba thulana le liqholotso haholo nakong eo ba nt-seng ba kokota malapeng ho ngolisa batho, kaha ba bang ha ba be le thahasello ea ho bua le bona ba bua ka litšepiso tseo 'muso o ileng oa li etsa eaba ha li phethahale.

Likhoebob li khutlele ho Basotho-Mputi



Nthabeleng Seithleko

Mokhethoa oa Maputsoe Mputi Stephen Mputi, o re Basotho ba lokela ho ikakhela ka setotsoana litabeng tsa khoebo ho fenyha tlhokahalo ea mesebetsi le ho khoa tšebeliso e mpe ea tai le lithetefatsi. O buile tse-na 'mokeng oa mekhatlo e nang le seabo litabeng tsa khoebo oa ho thakela baahi ba Maputsoe ka malebela a khoebo le tšebeliso e ntle ea lichelete.

O re taba-tabelo ea hae ke ho bona likhoebob li khutletse matsohong a Basotho e le ho loantša tlhokahalo ea mesebetsi le ho hlasi-molla moruo oa naha, ka hoo baahi ba Maputsoe ba sebelise mohopolo ona ho fetola bophelo ba bona. A re taba ena ba e etsa ka likhoeli tse tharo ka ho ba tšoarela lithupelo molemong oa

hore ba iphumane

Thabiso Sebakiso ho tsoa Koporasing ea Likhoebob tse ntseng li thuthuha o re mekhatlo e nang le seabo e supile hore taba e tlang botsitso le ho sireletsa likhoebob ke ho li ngolisa, le hore ba ratang ho qala likhoebob ba na le litsebo ba hloka chelete e lekaneng, ha ba bang ba na le chelete eo ba e behileng libakeng e leng chelete eo Basotho ba lokelang ho e sebelisa ho reka letsete. O re sechaba se lokela ho ba le ma-

mello hore se tle se atlehe khoebong.

Ramosa Morasekolana ho hlaha Lekaleng la Khoebob, o re bahoebi ba lokela ho fetola tsela eo ba nahanang ka eona ka hoo ho bohlokoa hore bohle ba qale khoebo ka nepo.

Karabo Nkhereanye ea bileng le seabo 'mokeng ona, o re ba tsositse morolo ho iqalla likhoebob le ho thusa hore li ntlafale le hore ba atameletsoe litšebeliso haufi le metse hore ba likojoana li mahetleng ba sa khoneng ho iphumana ba atlehe ho ngolisa likhoebob tsa bona. O re katametso ea litšebeliso ho tla ba thusa hore ba fihlele merero ea bona ha bonolo le ho atleha ho kena khoebong hobane seo ke sepheo se seholo sa bacha sa ho kena likhoebob ba sa thekesele.

A re khaello ea lichelete ke qholotso e kholo le mekhoe e sebelisoang ea hore batho ba etse likopo hobane batho ba qetella ba sitoa ho fihlela litoro tsa bona ka lebaka la bohloki, ka hona taba eo e lokela ho eloa hloko 'me mebuso e hopole ho khahlametsa ba kojoana li mahetleng hore ba tsebe ho iqalla likhoebob.

Notice in terms of section 61 (b) of the Administration of Estates and Inheritance Act. No.2 of 2024;

ESTATE LATE TANKI ISHMAEL MPONYA E1290/2025

Notice is hereby given in terms of Section 61(b) of Administration of Estates and Inheritance Act No.2 of 2024 calling upon all creditors of the deceased to lodge their claims with the administrator of the deceased's estate within thirty (30) days of this publication.

The address at which the said claims can be lodged is mentioned hereunder;

KHUBETSOANA

BEREA

(+266) 57410496

MAMOLEMO MPONYE
(THE ADMINISTRATOR)

Ba khotlaletsoa kutloelo-bohloko



Nthabeleng Seithleko

Lekala la Bophelo ka kopanelo le Mekhatlo ea Balekane tšebetso le etetse Sepetlele sa Sehopotso sa Mofumahali 'Mamohato, ho hlaloha likatleho tse fihletsoeng ka setsi sa thupelo ea lingaka le baoki se neng se reretsoe ho akofisa litsebo tsa bona litabeng tsa bopepisi.

Setsi sena sa thupelo ea lingaka le baoki se ne se khakoloe ka khoeli ea Pulungoana ngoahola, ka tšebetso ea Kereke ea Latter-day Saints le UNICEF, ho arabela qholotso ea sekhahla se phahameng seo basali le bana ba hlokahalang ka sona nakong ea pelehi, ka ho akofisa litsebo tseo baoki le lingaka ba nang le tsona.

Puong ea hae Mongoli e Moholo oa Lekala la Bophelo, 'Maneo Ntene ka la 5 Loetse monongoaha o bontšitse hore tšalo morao ena e etsoang ke lekala la habo le mekhatlo ena e tšoaee boikitlaetso ba naha ea Lesotho, phanong ea litšebelsetso tsa bophelo tse nepahetseng.

O boetse a re sekhahla seo basali le bana ba hlokahalang ka sona nakong ea pelehi se ne se bonahala se phahame kahar'a naha, ke ka hoo lekala le ileng la ikeletsa ho khakola setsi sena hang ha se fumana tšebetso ea lichelete ho tsoa kerekeng ea Latter-day Saints.

A re lenane la bana ba hlahang pele ho nako le lona le ile la bonahala le ntse le eketseha, 'me tse ling tseo baoki lelingaka

ba neng ba rupeloa ka tsona setsing sena li kenyeletsa litsebo tseo ba tla li fetisetse ho bakhachane, mabapi le mekhoha ea ho ithokomela e ka fokotsang ho eketseha ha sekhahla sena.

O tsoetsepele hore ke boikarabello ba bona e le Lekala la Bophelo ho netefatsa hore tlholeho ha e fetohe kahlolo ho basali, ka ho etsa mehato eohle e ka ba nolofaletsang pelehi ho tloha nakong ea bokha-

ka kutloelo-bohloko le tlhokomelo e mofuthu, 'me sekhahla seo liqholotso tsena li ntseng li theoha ka sona ke sesupo sa hore thupelo ena e fihlile litsebo tse utloang.

O lebohile UNICEF le kereke ka thuso ea lichelete le litsebo tseo li faneng ka tsona katlehisoeng ea morero ona.

A ipiletsa ho baoki bohle ho fana ka litšebelsetso tse tsoileng matsoho ka linako tsohle ho bakuli e le hore

nakong ea pelehi joaloka mehleng ea khale moo ho neng ho se mahlale le lisebelisoa tse ka ba qobisang litaba tse joalo, 'me mohato ona o netefalitse hore ha feela mafapha 'ohle a amehang a sebetsa 'moho, liqholotso tsohle tse teng phanong ea litšebelsetso tsa bophelo e ka ba pale ea maobane.

A re le hoja sekhahla sena se ntse se le holimo, ke lipetlele tse 'maloa kahar'a naha tse seng li bone phetoho e kholo toantšong ea ho hlokahala ha 'ma le lesea nakong ea pelehi kamor'a koetliso ena.

A re ba se ba bone katleho e kholo sepetlele se seng seo baoki ba sona ba nkileng karolo koetlisong ena, kaha palo ea basali le bana ba hlokahalang nakong ea pelehi e thehile ho tloha ho linoko tse hakanyetsoang ho tse 10 lekholong ho ea ho tse robeli, ho fihlela li fihla ho ha ho letho.

A leboha kereke ka tšebetso ea eona morerong ona, kaha sena e se lipalo feela, empa e le basali le bana ba khutlelang malapeng a bona, masea

a reretsoeng ho matlafatsa bophelo ba batho joalokaha Bibele e re 'rata oa heno joalokaha u ithata,' ka hona a re katleho ea morero ona e ba fa matla haholo kaha e phethahatsa e meng ea meoloane eo ba lumelang ho eona.

A re se bohlokoa ka ho fetisisa ho kereke ke ho siriletsa bophelo ba 'ma le boo e leng hona bo tlang ho qala ba masea e le hore le bona ba fumane monyetla oa ho phetha thomo eo ba e bilelitsoeng lefatšeng.

A tiisa boitlamo ba kereke ba ho tsoelapele ho etsa tse molemo bophelong ba batho bohle lefatšeng ka bophara.

E mong oa baoki ba fumaneng koetliso, 'Mabakoena Rapopo o bontšitse hore pele ho koetliso ena ba ne ba ntse ba sebetsa ka matla le boitelo, empa kamor'a ho akofisa litsebo tšebetsong ea bona ba ithutile bohlokoa ba tšebeliso lipakeng tsa bona e le basebetsi ba Litsi tsa Bophelo. A re tšebeliso ena e ba thusa haholo ho ntlatfatsa boitšepo ba bona esita le ho atamela bakuli ka kutloelo-bohloko le ler-



chane ho ea fihla nakong ea ho pepa, 'me likatleho tse fihletsoeng ka setsi sena ke tse khotlaletsang haholo toantšong ea qholotso ena.

A re tse ling tseo baoki le lingaka ba neng ba rupeloa ka tsona ke ho atamela bakhachane le batsoetse

ba lokolohe ho ea Litsing tsa Bophelo kantle ho tšabo ea letho, ho qoba hore ba ee litsing ba se ba imetsoe ke mafu.

Moemeli oa UNICEF Lesotho, Monghali Deepak Bhaskaran o bontšitse hore basali le bana ha ba lokele ho hlokahala ka sekhahla

a fumaneng monyetla oa bophelo le basebetsi ba tsa bophelo ba matlafalitsoeng ho ba le tšebeliso esita le ho fana ka tlhokomelo e ntle ho bakuli.

Lebitsong la kereke, Susan Porter o itse mosebetsi o mong oa kereke ke ho kenya letsoho mananeong

ato.

A re ba tla tsoela pele ho phetha mosebetsi oa bona ka boitelo esita le ho arolelana litsebo le baoki ba bang ba sa fumanang monyetla oa ho ba karalo ea koetliso ena, hore sechaba kaofela se fumane litšebelsetso tse nepahetseng.

Ba lifeme ba ikisa ho TK

Nthabeleng Seitlheko

Mekhatlo e lko-pantseng ea Basebetsi ba Lifeme e ntšitse phatlalatso e reng e morerong oa ho ea ipelaet-sa ho Tona-Kholo ea Lesotho ka la 18 Loetse monongoaha, e le ho ea utloa hore na 'muso o tla sireletsa mesebetsi ea lifeme joang ha e le mona AGOA e felloa ke nako mafelong a khoeli ena Loetse.

Puisanong le Mongoli-Kakaretso oa Mokhatlo oa Unite, Solong Senohe ka la 10 Loetse monongoaha, o hlalositse hore morero ona o tla kamor'a hore mekhatlo e chang e tšola litabeng tsa ho sireletsa litokelo tsa basebetsi ba kenyeletsang ba lifeme le baitšokuli, e kene lipuisanong le 'muso ka makhetlo mabapi le ho nchafatsoa ha lenaneo la AGOA.

A re lenaneo la AGOA, leo e leng lona mokokotlo oa tlhahiso ea mesebetsi ea lifeme kahar'a Naha ea Lesotho le tli'o fihla phelet-



song khoeling ena ea Loetse, empa ho fihlela hajoale ho ntse ho sa tsebahale hore na 'muso o morerong oa ho le nchafatsa kapa che.

A re sena se bakile pherekano e kholo kahar'a basebetsi kaha ba se na bonnete ba hore na mesebetsi ea bona e ntse e bolokehile.

Senohe o boetse a re litaba tse ling tseo mekhatlo ena e kopaneng le 'muso ka tsona li akha ho ntlafatsa meputso le ho boloka mesebetsi ea basebetsi ba lifeme, empa 'muso o bonahala o sa ba sekehele tsebe.

A re basebetsi bana ke

bona ba kenyang letsoho ka ho fetisisa kholisong oa moruo oa naha ena, le hoja mesebetsi ea bona e sa sireletseha le meputso ea bona e se e phelisang.

O tsoetsepele hore kamor'a hore Naha ea Amerika e nyolle lekhetho la khoebisano lipakeng tsa linaha, basebetsi ba lifeme ba ile ba senyeheloa ke mesebetsi ka bongata, 'me ho fihlela ha joale 'muso o ntse o e-s'o fane ka tharollo ea hore na basebetsi ba joalo ba thusoa joang.

A re e le mekhatlo ba le-kile ho kena lipuisanong le tona-kholo ho fumana se ka etsoang ho rarolla qholotso ena, empa ha b'a ka ba fu-

mana monyetla o joalo kaha a ne a romella a mang matona a neng a araba ka hore 'muso o tla khutlela ho bona ha o se o fihletse qeto.

Ho feta mona, Mongoli-Kakaretso oa Mokhatlo oa Basebetsi oa National Clothing Textile le Allied Workers Union, Monghali Sam Makhele o hlalositse hore ha joale ho na le lifeme tse koetsoeng, kantle ho tse ileng tsa koaloa ka nako ea COVID-19, tse tharo tse ileng tsa behella basebetsi ka thoko nakong eo Naha ea Amerika e neng e nyolla lekhetho la khoebisano, ho tse ling ba ntse ba sebetsa ba se ba theohela nako ea libeke tse peli khoeling, 'me

sena se ama meputso ea bona e seng e ntse e fokola.

A re litaba tsena tsa tlhokahalo ea mesebetsi kahar'a naha le ho sitoa ho boloka e se ntse e le teng, ho eketsa sekahla sa litlo-tsa molao le khoebisano ka batho, 'me ke boikarabello ba Basotho bohle ho ema ka maoto ho susumetsa 'muso ho etsa liqeto tse nepahetseng molemong oa sechaba

"Ke Basotho ba bangata ba bonoang ba fetoloa mak-hoba naheng ea boahelani ka lebaka feela la mesebetsi e sieo naheng ea habo bona, 'me sena se ka ea moriting ha feela re ka ba ntsoeleng re le sechaba ho hlokomelisa 'muso moo o ntseng o khibela teng." Ke Makhele eo.

A re Basotho ba boetse ba sebelisoa hampe ke melata, 'me ha ho likhato tse nkoang khahlanong le baetsi ba liketso tse joalo, ke ka hoo mekhatlo ena ea basebetsi e laba-labelang ho kopana le tona-kholo ka seqo ho tšohla liqholotso tsohle tseo basebetsi ba tobanang le tsona.

Motlatsi oa Mongoli-Kakaretso Mokhatlong oa LEWA, Monghali Motlalepula Setintana o bontšitse hore joaloka mokhatlo o loanelang litokelo tsa basebetsi, lipatlisisong tsa bona ba fumane hore ke bonyane chelete e kaalo ka M6,627.00 e ka thusang hore mosebetsi a fihlele litlhoko tsa mantlha.

A re leha ho le joalo, basebetsi ba bangata kahar'a naha ena ba kenyeletsang marena le basebetsi ba lifeme ba fumana chelete e tlaase haholo ho eo, 'me sena ke sesupo sa hore litlhoko tsa bona tsa letsatsi le letsatsi ha li fihlellehe.

O boetse a re 'muso o phatlalalitse tlhokahalo ea mesebetsi ho bacha e le tlókotsi, empa ho fihlela ha joale ha ho bonahale maputulo a letho ho loantša bothata bona. O re baitšokuli le bona ha ho le ka mohla ba kenyeletsoang lipuisanong tse amang kholiso ea moruo oa naha ena le hoja le bona ba na le seabo se seholo litabeng tsena, "ke ka hona ho leng bohlokoa hore re kopane le tona-kholo re le sechaba ka bongata ka la 18 ho teka lillo tsa rona." A rialo h'a phethela litaba tsa hae.

Phala ea Lekala la Khoebob, Lihaelo Nkaota e tiisitse litaba tsa ho felloa ke nako ha AGOA, le ho hlalosa hore moifo oa lekala la habo o tla kalla nonyana tšepe haufinyane ho ea Amerika, ka sepheo sa ho ea buella tšireletso ea mesebetsi ea Basotho le ho theoloa ha likhafa tsa khoebisano.

RSL le BAL li kopanya lihlooho



Nthabeleng Seitlheko

Setsi sa Pokello ea Lekhetho Lesotho (RSL) le Mokhatlo oa Libanka tsa Lesotho (BAL) li tlabotse selekane sa lilemo tse tharo (MOU) ka la 8 Loetse monongoaha. Selekane sena se reretsoe ho matlafatsa tšebeliso 'moho lipakeng tsa litsi tsena moruong oa Lesotho.

Mookameli-Kakaretso oa RSL 'Mathabo Mokoko o boletse hore selekane sena ke letšoao la bohlokoa le tla thusa ho theha tsamaiso e hlakileng, e hokahaneng le

e mamellang liphepetso tsa moruo le tsa lichelete. O ile a hlakisa hore tumellano e reretsoe tšebeliso lipakeng tsa RSL le BAL ka ho sebetsana le mathata a tsamaiso, melao le a mahlale.

O bontšitse hore tumellano e tla thusa ho matlafatsa ho latela melao ea lekhetho le pepeneneng ha lichelete li sebetsa, ho litšebetso tse matla tsa ho arolelana lipalo-palo tse tiisang bokhoni, ho tšehetsa mananeo a ntlafatso ea marang-rang, tšireletso ea likomporo le botsitso ba moruo.

O itse ho boetse ho tli'o matlafatsa boiteko ba naha

ba ho loantša botlokotsebe ba lichelete joaloka ho hlatsoa chelete le ho phalla ha lichelete ka tsela e kotsi.

Mokoko o ile a tiisa hore tšebeliso ena e bontša pono e arolelanoang ea kholo e kenyeletsang bohle, khokahano ea lichelete tikolohong le bokamoso ba marang-rang moo mebuso le makala a ikemetseng a sebetsanang ho aha moruo o tsitsitseng.

Ka lehlakoreng le leng Nkai Matete o bontšitse hore e le BAL ba beha pele tšireletso ea tsamaiso ea lichelete khahlanong le bosholu ba lichelete, boitsebi-

so bo etsoe le bosholu ba likomporo. O boletse hore tšebeliso le RSL e tla thusa ho aha tšireletso e kopaneng ho ntlafatsa, ho arolelana tlhahiso leseling le ho etsa liphuputso tse kopanetsoeng tsa likotsi.

O hlalositse hape hore mahlale a morao-rao a tla kenya letsoho ho lemoha bosholu ka potlako le ho latela litšebeliso ka nako empa a re sena se lokela ho tsamaisoa ka melao e tiileng ea tšireletso ea lipalo-palo.

Motlatsi oa Mookameli oa Mokhatlo oa Libanka, Standard Lesotho Bank, Samuel Seboka o ile a tšehetsa tumellano ena 'me a hlalosa hore e tla ntlafatsa tšebeliso ea bareki le kholo ea banka. O bontšitse hore tumellano e tla fokotsa mela e metelele libankeng hobane litšebeliso tse ngata li tla sebetsoa ka marang-rang ka tšebeliso ea RSL le libanka.

O ile a tiisa hore tšebeliso ena e tla thusa ho potlakisa litšebetso tsa lekhetho le netefatso, ho fana ka litšebeliso tse sireletsehileng le tse potlakileng. Qetellong, o boletse hore tumellano e tla kenya letsoho ho aha moruo oa sejoale-joale oa marang-rang o tšehetsang ntšetsopele ea Lesotho.

Ba hlokomela bophelo ba kelello

Tšeliso Thakholi

Kopano ea Anna ea Halalelang e ne e tšoaretsa basali ba likopano tse fapakaneng tsa Parish ea Mazenod, 'moka oa letsatsi le le leng moo ba neng ba hlalelloa ka malebela mafapheng a fapakaneng a bophelo. 'Moka ona o bile Parishing ea Maria Mofumahali oa Lefatše, Mazenod ka la 6 Loetse 2025.

H'a manolלהa motlalehi oa litaba ka morero oa 'moka ona, Mookameli oa Kopano ea Anna, Mofumahali 'Matšepo Sebilinyane o re sepheo se seholo sa 'moka e ne e le ho koala khoeli ea mosali oa Moafrika, kaha ka lebaka la litšebeliso tse ngata tsa Kereke ba ile ba sitoa ho e koala ka nako ea teng.

Hape o re 'moka ona ba ile ba kopanyeletsa le hore bo-nkhono le basali bohle ba likopano ba fuoe tlhahlo kaha matsatsing a morao tjena, karolo e kholo ea basali e le eona e imetsoeng ke mathata a fapakaneng a bophelo a kang a bana ba tsoileng taolong, lithekefetso ka mefuta ea tsona, tlhokahalo ea mesebetsi le mathata a ka malapeng hore na ba ka a rarolla ka tsela ea mofuta ofe.

O re 'mokeng ona ho bile teng litsebi tsa mafu a kelello moo ba neng ba hlalelloa ka malebela mabapi le ho ipaballa le ho tseba ka mafu a kelello. A re ho boetse ha e-ba le litsebi tseo li neng li ba tataisa ka mekhoe ea ho boloka lichelete tsa bona. A etsa mohlala ka ea bo-nkhono ea litsiane moo ba neng ba hlokomelisoa hore na ba ka e boloka ka mokhoa oa mofuta ofe.

A tsoelapele ka hore ba ile ba rutoa ka litaba tsa teka-tekano le mefuta ea tlhekefetso. Ka holimo ho

tsohle, o re Mopristsa oa bona o ile a ba matlafatsa haholo ka litaba tsa bokriste ba bona. "'Moka ona o re tsoetse molemo o moholo hobane re ntse re le kahare ho morero o moholo oa ho qetela ntlo ea bo-nkhono,

tlang ho re thusa ho ntšetsa pele morero oa rona oa ho qetela ntlo ea rona."A rialo.

A re morero ona o bona-hala o tsamaea butle haholo hobane bo-nkhono ba imetsoe, 'me ha ho moo ba nkang teng kaha ba itjere.

le mamati kaha ho se moo bo-nkhono joaloka likopano tse ling tsa Kereke ba tšoarelang liphutheho tsa bona teng kaha ba le bangata haholo ka palo, ba sa felleng liphaposing tsa sekolo tseo ba li alimiloeng



basali bohle ba bileng teng 'mokeng ona ba ne ba ntša M50.00 bakeng sa ho fuoa tlhahlo ena, e le chelete e

A tiisa hore takatso ea hae ke ho bona moaho oa bona o phethetsoe ka ho tšelo fetše, ho kentsoe lifestere

hore. A leboha bohle ba atlehisitseng morero ona o moholo ka mekhoe e fapakaneng.

Basali ke tau li mesana

Staff

Ho na le likhoele tse ikhethang selemong, tse tšoaetsoeng ho ketekela lintho tse ling tse amahangoang le liketsahalo kahar'a naha kapa ho hopola batho ka makhabane a bona besebeletsing ba sechaba.

E 'ngoe ea likhoele tse joalo ke Phato eo ka kotloloho ho thoeng ke khoeli ea Mosali oa Moafrika. Ke teng moo basali ka mekhahlelo ea bona ba ketekang ka mekhoe e fapakaneng, ha ba bang bona ba tlotloa ka ho abeloa likhau ho latela boikitlaetso ba bona e le basali besebeletsing ba sechaba.

Ha u tseba hore na joaloka mosali ho lebeletsoeng ho uena e bile u tseba litokelo le litšoanelo 'moho le boikarabello ba hau, u tla utloisisa le ho elelloa bohlokoa ba ho ketekela khoeli ea Mosali oa Moafrika.

Le teng ha hoa lekana hore ebe u ka re u'a keteka, u sa tsebe hore na u ketekela'ng, u ka keteka hobane u leboha kapa u ikopela mahlohonolo mererong eohle ea hau. Empa kaholimo ho tse-na tsohle u lokela ho keteka e bile u ntse u itlahlola.

Mosali ka bo-eena o fuoa boikarabello bo khethehileng ba ho jara le ho hlokomela lesea le sa le ka popelong, le ho nka boikar-



abello bo feletseng ba ho le holisa ha le se le hlalele.

Boikarabello ke lentsoe le pharaletseng haholo, 'me matla a lona a kolla makhabaneng a motho. Ke ka hona ho thoeng mosali ea khabane ke ea bokeletsang khotso ea lelapa la hae, eo liketso le lipuo tsa hae li ahang batho ba bang, eo mehopolo le litaba-tabelo tsa hae li ka bang molemo ho sechaba ka kakaretso, 'me ea boulelang le ho sireletsa seriti sa mosali.

Matla a mosali a kolla kahar'a lelapa la hae le motseng moo a phelang teng. Ka hona linaha tsa macha-

ba li eleletsoe bohlokoa le matla a mosali, 'me khothaletsa ea e-ba hore basali ba fuoe monyetla oa ho kenya letsoho besebeletsing ba naha.

Ke khoeling eona ena moo, Mosali oa Moafrika h'a ntse a keteka a lokelang ho itlhabolla le ho matlafatsa makhabane a hae, 'me mefokolo ea hae e se ke ea imela matla ao a nang le oona.


Leha ho le joalo, ho na le batho ba nanarelang basali ka ho ba hleketsetsa ka liketso tsa bokhoba ba thobalano le lipeto tsa bana ba banana le maqheku. Liket-

so tsa mofuta ona li lokela ho fela, basali ba sireletsoe khahlanong le lithekefetso tsa mofuta ona, 'me puso ea naha ka 'ngoe e nke boikarabello ka ho etsa melao e thibelang bokoeta bona.

Ka mokhoa o tšoanang basali le bona ba be ntsoeleng ba eme ka maoto ho loanela Litokelo tsa bona tsa Mantlha tsa Botho, ba nke karolo liqetong tse etsoang ekaba kahar'a lelapa kapa tse amang puso.

Ha fela mosali a ka tseba matla a hae, o tla tseba moo a tlohang, moo a leng teng hajoale le moo a lokelang ho ea teng. Basali ha ba tšoanele ho thola maemong afe kapa afe ha feela a kenana-kenana le Litokelo tsa Mantlha tsa Botho.

Ehlile mosali o tumme ka ho etsa lerata, 'me ha ho be joalo le litabeng tse amang naha ena, ha feela li nka mothinya o sele o ke keng oa tsoela sechaba molemo. Re thoholetsa paramente haele mona e ile ea fetisa molao o khahlanong le tlhekefetso ea ka malapeng le molao o fang bahlolohali matla a felletseng holim'a ntlafatso le ntšotsopele ea malapa a bona. Ke rata haele mona Naha ea Lesotho e ikamahanya le mohoo oa basali ba Afrika o tobang ka kotloloho basali ntšetsopeleng ea likamalo tse mofuthu, le khahong ea moruo oa naha. Basali ke tau li mesana ba tšoara thipa ka bohaleng. Basali le bohlokoa.





TSA KEREKE

Ba amohela letlapa



Tšelisothakholi

Ebile thabo le monyaka ho bakriste ba phutheho ea Maria 'Mamohau, Ha Tikoe ka Sontaha sa la 7 Loetse monongoaha ha ba ne ba amohela ka litlatse Letlapa le lecha la Kopano ea Cecilia ea Halalelang, le ileng la khakoloa ka litšebeliso tse khethetsehang tsa Sehlabele se Halalelang sa 'Missa o neng o eteletsoe pele ke Fr. Charles Tumo Matsoso OMI.

H'a fana ka khotso tse litšebeliso tse neng e kholo e hlokalang hore re e loanele ka lina-ko tsohle hore e be teng kahar'a rona ke kelello e phetseng hantle. A re thabo le khotso ha li fumanoe linthong tse tsoarehang tsa lefatše lena, empa re loke- la ho rapela Morena Molimo hore a re fe mpho ea Moea o Halalelang, e leng eona e tla re neha lineo tse supileng tsa Moea o Halalelang.

A re ke tsona tse susumet- sang hore re be baruihali ka lipelong tsa rona hobane ha li le teng motho o khotsofal- la maemo ohle le merero eohle ea Morena Molimo, "hobane o na le morero ka rona." A re li boetse li re thu- sa hore bophelong ba rona ha lintho li etsahala re li nke

ka hore e ne e le nako ea hore ntho e itseng e etsa- hale, 'me e tla etsahala e fete empa e seng ka tsela eo rona re le batho re pot- lakileng ka teng. "Ha le na le lineo tsa Moea o Halalelang tse supileng le tla atleha ho ba le karolo ea neo e 'ngoe ea bohlokoa e leng ea Kut- loisiso." A rialo.

A hlokomelisa phutheho ea bakriste hore litšitso tsa batho ba bang li se ke tsa etsa hore ba be mona, ho- bane ba fetoha mafutsana a lineo tsa Moea o Halalelang, e ba barui ba lihlooho tsa sebe tseo e 'ngoe ea tso- na e leng mona. A pheth-

ela ka ho ba hlokomelisa hore lintho tsa lefatše tse kang tsa borui, li ba thusa hore bophelo ba bona bo be monate feela ba se ke ba senya seo Molimo a ba fileng sona.

Ba bang ba bakriste bao hlathe e neng e lelekisa tse- be ke thabo, ba thoholelitse le ho leboha Macecilia ka setlabolane sena se secha, se tliil'o matlafatsa borapeli le ho holisa tumelo ea bona.

Kamor'a 'Missa e bile mokete o moholo oa ho khakola Letlapa lena le le- cha le bitsoang U Moprasta le tšetseng lipina tse 12 tse mathe-maloli. Lipina tsena tseo e leng thapelo e matla ho bakriste bohle, li reretsoe ho fetisa molaetsa oa Kriste, ho khotatsa le ho hlabol- la ba pelo li hlabehileng. Li boetse li'a thabisa le ho fana ka matšelisotho bohle ba aparetsoeng ke litsietsi tsa mefuta.

Har'a lipina tsena tse 12 tse kenyeletsang har'a tse ling Bokang Morena, More- na Molimo oa ka, E eang ka lefatše lohle, Lichaba tsohle le Re tsoalletsoe mopho- losi, e bonahetseng e hlile e ratoa haholo ho feta tse ling moketeng ona e bile e bitsoang U bitse Maria. Pina ena e tšetse manoni a seo 'M'a rona Maria Movirigo a leng sona, 'me ha u kopana le liqholotso tsa lefatše lena e tla u hlola tsona.

Thapelo ea Khotso

Oho Molimo oa toka le khotso, re hlonolofatse rona baahi ba Lesotho, 'me u re thuso ho phela khotso le leratong la hao.

"Morena, nketse mose- beletsi oa khotso ea hao. Moo lehloeo le leng teng, ke jale lerato. Moo batho ba fosetsaneng, ke jale tsoarelo. Moo lipelaello li leng teng, ke jale tumelo. Moo batho ba nyahameng pelo, ke jale tšepo. Moo lefifi le leng teng, ke tliše leseli, Moo masoabi a leng teng, ke jale thabo. Molimo oa ka, etsa hore ke se ipatlele ho tšeli- soa, ke mpe ke tšelisotho ba bang. Ke se ipatlele ho utlo- loisiso, ke mpe ke be ea utloisisang ba bang. Ke se ipatlele ho ratoa, e mpe e be 'na ea ratang ba bang, Hobane ke ka ho fana, re fumanang, ka ho tsoare- la, re tsoareloang. Ka ho shoa, re tsoalloang bophelo bo sa feleng.

Amen."

2024-2025 SELEMO C

SONTAHA SA 24 HAR'A SELEMO



Exoda 32:7-11.13-14

Pesalema 50

Timothi 1:12-17

Luka 15:1-32



Khotso

Tsoarelo e tsoang botebong

E'ngoe ea likatleho le tlhoko e kholo ea motho ke ho tsoarela; 'me kajeno bukeng ea bobeli ea Bible: Exoda, e bua ka ketsahalo eo Morena Molimo ea khopisitsoeng a tsoarelang sechaba sa hae. Ba ne ba koma-koma ka lintho tse ngata haholo; ha ho seo ba se jang, ha ba fuoa manna ba re ke sejo se sa tsebisahalang se sebe, ba re ha ba na metsi hape ba re baahi ba Lefatše la Litšepiso ba tla ba hlola ka matla. Moshe h'a le Thabeng ea Sinai ba ile ba khorotla ka hore o ba lahlile, eaba ba ipopela namane ea khauta ba e etsa molingoana oa bona. Morena Molimo a koata 'me a rera ho ba felisa, empa Moshe a ba buella; Morena a ba tsoarela.

Se etsahetseng mona se tsoantša se tla etsoa le ho rutoa ke Kriste. Karolo ea Evangeli ea Luka e qala ka Bafarisi ba korotlelang Kriste ka ho ja le baetsalibe. Ha e le 'nete metsoalle ea Kriste e ne e se batho bao ho ka ngoloang ka bona kapa ba isoa libakeng tse mabai-bai. Ho ea ka moello oa mehleng eo, ho lula le motho tafoleng u e-ja le eena, ho ne ho bolela hore le'a lekana ka maemo. Joale Kriste o bolella Bafarisi papiso tse tharo mabapi le ngongoreho ea bona, e leng ea nku, chelete le mora ea lahlehleng. Papiso tsena li reretsoe ho senola hore lerato la Molimo le tebile ebile le leholo ho feta la batho, hape le ka tsoarela leha la batho le sitoa ho etsa joalo. Papiso ea nku e lahlehleng e bontša ka botebo Molaetsa o Molemo oa Kriste. Ho ba molisa ha se ntho e bobebe hobane linku tse fulang kahar'a likhohlo le lithaba li ka lahlela. Joale molisa o tla lokela ho il'o batla eo e lahlileng, 'me h'a hlaha ka eona motse kaofela o'a mo thabela. Kriste o re thabo eo ke e bang ho Molimo Ntate ha moetsalibe a le mong a sokoloha.

Joale ho tla papiso ea mosali ea lahlileng chelete ea hae ea ho qetela, eo e reng h'a e fumana a thabe haholo hobane ke eona eo a tla hlokomela letlapa la hae ka eona. Le hoja e ka utloahala e le ntho e nyenyane hakaalo, empa ho eena e bohlokoahali kaha bophelo ba hae bo itšetlehile holima eona. Lipapiso tsena bobeli li ne li hanana le moello oa mehleng eo, hobane ho ea ka ona Morena o ne a ke ke a ikisa ho moetsalibe empa o na emela hore a itlise ho eena. Papiso ea ho qetela e fihla e lumellana hantle le sena, mora ke eo o khutlela ho ntata'e ho tla kopa tsoarelo.

Ntate o ne a e-na le monyetla oa ho etsa lintho tse ngata haholo ho mor'a hae, o ne a ka mo omanya, a re a mo kope tsoarelo kapa a re ha e sa le mor'a hae. Kapa o ne a ka a mo etsa mohiri oa hae, e leng seo batho ba neng ba mametse Kriste ba neng ba se lebeletse. Empa eena o khetha ho mo tsoarela. Batho ba na le mekhoe e mengata ea ho tsoarela; e ka ba ka letheke-theke, ka ho etsetsa motho e mong molemo kapa ho sebelisa phoso ea hae khahla- nong le eena hore a etse lintho tse sa lokang. Empa tsoarelo ea ntate ha e na lipehelo kapa moeli. O ile a atamela mora 'me a mo aka ka thabo e kholo. A ba a laela basebetsi ho mo apesa seaparo se setle, ho mo roesa lesale la mono- aneng, ho mo roesa meqathatso e le letšoao la hore o lokohile kaha makhoba a ne a tsamaea ka leoto.

Bakriste ba heso le hoja ho se bonolo hakaalo ho tsoarela, empa ha re tsoare- leng hobane ho jara motho ka pelo ho kotsi ho uena. Ha u utloa ho se bobebe hakaalo ho tsoarela, khumama u rapele 'me u kope Morena ho u thusa ho etsa se u sitang empa botebong u lakatsa hore ho be joalo. Ka mantsoe a Au- gustinus ea Halalelang, "Etsa se matleng a hau, 'me u rapelle seo u sitoang ho se etsa ka nako eo." Tsoarelo e molemo e se ho motho ea u sitetsoeng feela empa le ho uena kaha e u fa tokoloho, khotso moeeng hore ha u bona motho ea u sitetsoeng u se be le mosito.

Bahalaleli har'a Beke

15	Loetse	Melitina
16	Loetse	Ninian
17	Loetse	Brogan
18	Loetse	Eumenes
19	Loetse	Peleus
20	Loetse	Eustace

E phethela boitokiso

Tšeliso Thakholi

Kamor'a ho lahle-heloa ke likhalala tse peli tse nkillo-eng ke Members selemong se tsoa feta sa lipapali, Sehlopha sa Swallows se bonahala se ntse se sebetsa hantle ho tloha se qalile lipapali tsa sona tsa boitokisetso ba Liki ea A Division, ka ho tlabola Leqele United ka 1-0 le ho bapala ka seahlolo sa 3-3 le sa Lilalome, lipapaling tsa ho qetela tse neng li bapalloa Lebaleng la Swallows, Mazenod ka la 6 Loetse 2025.

Swallows e qalileng lipapali tsa eona tsa boitokisetso ba Liki ka matla a maholo, e atlehile ho hlola boholo ba lipapali tseo e li bapetseng ka tšebeliso-
no 'moho le bakoetlisi ba khale le ba bacha ba seng ba tlii'o sebetsa e le ngatana-nngoe, ho phetha thomo ea mantlha eo ba e fuoeng ke botsamaisi ba sehlopha ba ho khutlisetsa Swallows lihlopheng tse kholo tsa Premier ha selemo sena se secha se kolumela.

Swallows e bonahala e



ikemiselitse ho tla qala Liki ka mafolo-folo, ho latela tse-la eo e saleng e hapa lipapali tse eona tsa setsoalle, ho tloha sethathong ho fihlela lipapaling tsa ho qetela tse bileng ka Moqebelo. Leha ho bonahala kamehla sehlopha sena se lula se lokolla libapali tsa sona tse hloahloa ho leba lihlopheng tse ling tse kholo moo batho

ba bangata ba tloaetseng hore ke makhulong a matla.

Hajoale e fane ka bahlabalintlha ba kotsi haholo e leng Relebohile Ramahlele le Sano 'Year 2000' Koloti sehlopheng sa Members e sa tsoa kena Liking ea Lihlopha tse Kholo. Ka hona monongoaha e tlii'o qala ho bapala Liki e ncha bosieong

ba likhalala tsena tse peli. Ha ho le joalo bakoetlisi ba sehlopha ba bonahetse ba khotsofetse haholo ke tse-la eo sehlopha e saleng se itokisa ka eona, che le hoja ba ntse ba bontša hore ba hloka ho tla lokisa mona le mane e le hore ba tle ba tsebe ho atleha ho phethahatsa thomo ea batsamaisi le batšehetsi ba sehlopha

ea hore isao e lokela ebe kahare ho lihlopha tse kholo tsa Premier.

E le ho koala likheo tsa ba tsamaileng e tlii'o hlahisa libapali tse ncha tse 10 le bakoetlisi ba bacha mafelong ana a beke, ba tlii'o etsa tlama-thata le ba khale ho thusa hore e khutlele moo ileng ea tsejoa e le hona teng lilemo-lemo e leng ho Vodacom Premier League isao.

Ba bang ba barati le batšehetsi ba sehlopha sa 'Maswae-swae' ka moo ba se reneketsang ka teng mabaleng a lipapali, ba entse tlhokomeliso ho bakoetlisi hore ba se ke be ba ea le khongoana holimo ha ba qala liki, ka khopolo ea hore ba tlii'o itsamaela bolacha kaha boholo ba lihlopha tseo ba tlii'o lebanya thebe le tsona, li itokisitse ka matla a maholo. Ka hona ba lokela ho sebetsa ka thata haholo hore ba tle ba tsebe ho fihlela katleho.

Ba tiisa hore boiphihlelo boo ba bo boneng nakong ena ea boithlopho ba sehlopha bo ba tlatsitse morolo le tumelo ea hore ha e na ho ba nako e telele liki e qalile ha Swallows e tla be e etsa borata ka lihlopha tseo e pannoeng le tsona. Ba qetella ka hore bona ba ipatla Premier isao e seng kae kae!

E emetse seho se lle

Tšeliso Thakholi

Sehlopha sa Papali ea Bolo ea Mao-to sa Basali sa Ladybugs United Football Academy(LUFA) se ikotla sefuba ka hore se tlii'o qala selemo se secha sa lipapali ka morolo, 'me se tšepisa bohle barati le bathahaselli ba sona, tšebetso e ntle kaha se tla be se qala ho hlahella ka mahetla lekhetlo la pele Liking ea Basali ea Region 5, e tlii'o thakhoha Tikolohong ea Mazenod mafelong ana a beke.

LUFA ke sona sehlopha sa pele ho hlaha tikolohong ea Ha Ngoatonyane se tlii'o bapala Liki ea Region 5 ea bolo ea basali nakong ena ea mathoaso a selemo sa lipapali, e tlang ho ba bulela litsela tsa ho leba Liking e Kholo ea Women Super League ha selemo sa lipapali se fihla pheletsong.

Mokhahlelong oa pele oa Liki sehlopha sa LUFA se pannoel le lihlopha tse matla tse kang Peace Makers Ladies, Peter Tigers Ladies le Rural Stars Ladies. Papaling ea sona ea pele e qalang Liki, se tobane le papali e tlii'o ba matla haholo moo teng se tlang ho

amohela sehlopha se kotsi haholo sa Rural Stars Ladies ea Ha 'Mantšebo Lebaleng la Airport Birds, haufi le Lebala la Machaba la Boema-fofane ba Moshoeshoe I mafelong ana a beke.

Mokoetlisi oa sehlopha sa LUFA Monghali Tankiso Selialia o re boitokisetso ba bona ba ho tla bapala lipapali tsena e bile bo bottle ho latela ka moo e sale

ba itokisa ka teng. Che, le hoja a itse ho ntse ho e-na le moo a sa khotsofalang moo ho hloka haholo hore a lokise sehlopha sa habo. O re ha ba kena selemong sena ho lokela hore ho mele ka likelellong tsa sehlopha sa habo hore ba tlameha ho sebeletsa ho kena lihlopheng tse kholo.

O re leha e le mona ba le malala-a-laotsoe ho tla qala

lipapali tsena tse matla tsa Liki, ho ea ka bona e le sehlopha ba ntse ba bona e ka ha ba e-s'o qale kaha boikemisetsa bo boholo ke ho fihla ho li-play-off ha ba qetile lipapali tsa bona tsa mokhahlelo oa bobeli, e leng moo ba tlang ho sebetsa ka thata ho fetela ho Women Super League.

"Re tlii'o leka sohle se matleng a rona hore re iphumane re le kahar'a Liki e Kholo. Ka lehlohonolo li-

hlopha tseo re pannoeng le tsona ke tseo re seng re ntse re li tseba, re ile ra bapala le tsona 'me re tseba mefokolo ea tsona." O boletse joalo a bile a phethela ka hore ba matlafalitse sehlopha sa bona ka libapali tse peli feela tse ncha tse tsoang Setsing sa Koetliso ea Bolo sa Masianokeng le ho latela tse ling tseo ba neng ba alimane ka tsona hona Masianokeng le ho Rural Stars Ladies.



Likuenana e' a nyahamisa

Tšelisothakholi

Nakong ena eo barati le balateli ba Sehlopha sa Naha sa Likue- na ba nyahameng lipelo ke tšebetso e bosula ea

li le monyetleng o moholo oa ho kenela lipapali tsa Mohope ona ha feela li ka hlola lipapali tsa tsona tse setseng. Har'a linaha tse 10 tse lokelang ho emela Afrika Mohopeng oa Lefatše isao, ke tse peli hajoale tse seng

fatše e le Cape Verde kamor'a ho sasara Cameroon ka thupa e bohloko ea 1-0. Athe tse ling ke Egypt e ileng ea pitikisa mahe (0-0) le Burkina Faso le Afrika Boroa e bapetseng ka seahlolo sa 1-1 le Nigeria kamor'a hore moetapele oa



sehlopha, lipapaling tsa ho phunyeletsa ho ea Mohopeng oa Lefatše tse ntse li bapaloa, lihlopha tse peli tsa Afrika li se li atlehile ho fetela pele ha tse tharo

li atlehile ho tla lebanya thebe le linaha tsa lefatše, 'me tsona ke Morocco le Tunisia. Ha tse tharo tse nang le monyetla oa ho iphumana li bapala Mohopeng oa Le-

Nigeria William Ekong a itlhaba ka lerumo metsotsong e 25 ea karolo ea pele ea papali. Ntlha ena e kene ka lebaka la neheletso e ntle e bileng lipakeng tsa Bathusi



Aubaas le Mohau Nkota ba Afrika Boroa. Papali ena e qalile eaba ea fihla pheletsong sehlopha sa Nigeria se ntse se momme molomo o katlase e hile se batla ho hapa papali ena, empa lehloho- nolo la e pota ka thoko ho fihlela eba e fela e ntse e le 1-1. Sena se behile Nigeria kamoo thakali e fatelang kaha menyetla ea eona ea ho phunyeletsa ho ea Mohopeng oa Lefatše e ntse e sesefala. Ho sa le joalo, Likuenana e saletsoe ke lipapali tse peli

tseo e seng e bapalla mona- te feela kaha leeto la eona le ne le fella Lebaleng la Stade Felix, Houphouet-Boigny ka la 9 Loetse monongoaha ha e ne e tlontlolloa ke Benin ka phafa ea 4-0. Haele tse ling tse bapetseng tsa Afrika ke moo Tanzania e hlotsoeng ke Niger habo eona ka 1-0, Namibia ea makatsa ba bangata ha e ne e amohe- la Sao Tome Motse-Moholo Windhoek ka phafa ea 3-0, Sierra Leone ea hlola Ethiopia ka 1-0. Ha Angola e hlotse Mauritius ka 3-1.

Ba emela naha Rwanda

Tšelisothakholi

Lipalami tse peli tsa papali ea libaese- kele e leng Kabelo Makatile le khait- seli'ae Pontšo Makatile, ke ba bang ba lipalami tse hloahloa tse hloailoeng ke Mokhatlo oa Lesotho oa Pa- pali ea Libaesekele(LFC), ho ea emela Naha ea Lesotho lipapaling tsa Mohope oa UCI Road World Cham- pionships tse il'o tšoareloa Kigali, Rwanda ka la 21 ho isa la 28 Loetse 2025.

Sena se latela hore bobeli bona bo ipabole ka tšebetso ea bona e tsoileng matsoho litholisanong tse ngata tsa papali ea libaesekele ka- hare le kantle ho naha, ho fihlela ba eba boemong ba ho kenela lipapali tsa machaba boo ba bo fihletseng ka boiphihlelo le bokhabane bo boholo papaling ea libaesekele. Mojaong ona o etsang nalane ka ho ba oa pele oa ho tšoareloa Tikolohong ea Afrika kamor'a lilemo tse 103 o qalile, likhalala tsena tsa Naha ea Lesotho li tlii'o qothisana lehlokoa le lipal-

ami tsa maemo a machaba tse 1,500 ho hlaha lefatšeng ka bophara. Ba sireletsang sekola ke Puck Pieterse ho hlaha Naheng ea Netherlands ka ho banna, athe ka ho basali ke Alan Hatherly oa Afrika Boroa. Raliphatlatso oa LFC, Monghali Malefetsane Morie o hlalositse h'a tha- betse libapali tsa habo hore e be li atlehile ho kenela mojao ona kaha ba tlii'o rekisa Naha ea Lesotho machabeng le ho bulela li- palami tse ling tsa Lesotho menyetla hore ba be le liba-

pali tse ngata tse tla tseba ho bapala kantle ho naha le ho ba tlela le malebela a hore na mojao oa mofuta ona ba ka tseba ho o hapa ka litsela tsa mofuta ofe. O re taba-tabelo ea bona e kholo e le batsamaisi ba papali ea libaesekele ke ho bona ba e-na le libapali tse ngata tse bapalang kan- tle ho naha, kaha sena se tla thusa ho fetola bophelo ba bona ka hobane papali ea libaesekele e tla fetoha mosebetsi oo sebakali se tla tseba ho fumana moput- so oa khoeli le khoeli.

"Rona re batla re khotsofetse ke tšebetso e ntle eo libapali tsa rona li ntseng li e etsa kantle ho naha, empa re batla hore ba etse hantle ho feta moo ba seng ba ntse ba etsa." O bole- tse joale a bile a eketsa ka hore qholotso e kholo e et- sang hore ba liehe ho fihla tlhorong ea papali ena ke khaello ea botšehetsi ka- hare ho naha. A tiisa hore hoja bonyane ba ne ba e-na le batšehetsi ba neng ba ka ba thusa ho holisa papali ena ka hore bonyane ho ke ho be le litl-

holisano tse tšoarolang han- goe ka khoeli, "ruri re ne re tla fihla moo re batlang teng." A ipiletsa ho bohle ho etsa letsoho la monna molemong oa ho holisa le ho matlafatsa papali ea li- baesekele ka ho e fetola hore ebe mosebetsi moo bana ba Basotho ba ka tse- bang ho iphelisa ka eona. Ho sa le joalo, sepala- mi se hloahloa sa Lesotho Tumelo Makae o atlehile ho fetela mokhahlelong o hlahlamang oa lipalami tse 40 tse kenetseng lipapali tsa World Mountain Bike Championship tse ntseng li tsoelapele Naheng ea Swit- zerland.



SCHOOL BOOKS

now available on the Akello Online Library!

Here's how to access them:

1. Download the Akello Reading App.
2. Search for the book you want.
3. Purchase or subscribe online.
4. Download the book

Enjoy reading offline anytime on the Akello App.

<https://library.akello.co/>

Leeto la pele la mofuta

Nthabeleng Seithleko

Ele ho kenya letsoho kholisong ea moruo le tlhahisong ea mesebetsi, Thaphoha Hiking Club ka kopanelo le Koporasi ea Bohahlauli Lesotho (LTDC) li tla thakhola leeto la motsamano oa matsatsi a 14, oa botelele ba 300km, ho tloha Morifi Mohale's Hoek ho fella Thabana-Ntlenyane Mokhotlong. Litaba tse na li hlaleletse 'mokeng oa bo-ralitaba oa la 9 Loetse monongoaha.

Lebitsong la LTDC, Phomolo Lebotsa o hlalositse hore leeto lena le tlo tsa-maea maluti a mararo (3 Ranges Trail) ke ntho e kholo kaha le tsamaisa tsebahatsao ea nalane, kholiso ea moruo ho latela tlholoso e reng "Lesotho Mosetsana e motle tsoanahali" e leng pontšo ea sechaba se nang le lerato, metsi le moea o hloekileng e leng litaba tse amanang le bohloeki le bophelo bo botle ba sechaba.

O re bohahlauli bo hlalela har'a lintho tse ka thehang mesebetsi e mengata, kaha ka bona libaka tse ngata li una molemo. A re leeto lena le tla thakhoha Khauteng, Morifi moo nalane e supang hore banna ba sebaka seo ba ne ba sa ee likomponeng empa be ne ba iketsetsa khauta ka bo-bona ka ho ea masimong 'me kotulo ea bona e ba ntle. A re Basotho ba lokela ho etsa lerata ka litaba tsena ho kenyeletsa lipapali le metjeko ea Basotho le nalane ea libaka ka bo-eona.

O itse batho bana ba tla feta le sebakeng sa moo ba tla bona maoto a likholomo-lumo, liphororo, Boritsa-tsoene, Lomo-Semoleketla, Qhoasing le tse ling. A re ba lokela ho sebetse ka matla ho bona hore libaka tsa nalane li'a ntlafala kahar'a naha molemong oa kholo ea moruo.

E mong oa litho tse kenyang morero ona tšebetsong, Lisebo Mositsi o hlalositse hore morero ona o ne o qaloe ho raloa ka selemo sa 2010, oa qala ho kena tšebetsong ka sa 2023 'me ka ona sechaba sa libaka tsa moo ba fetang teng se atleha ho ba rekisetsa lijo, metsi ebe bona ba lefella le libaka tsa bolulo moo ba fihlelang teng.



A re ba boetse ba atleha ho tsomela karolo ea sechaba se nang le mathata lithuso, le ho nehelana ka mesangoana ea bohloeki ho baroetsana libakeng tse fapakaneng. Ha malapa a nang le liphoofole tse kang litonki le lipere a tla atleha ho ba nkela thoto e ntse e le tsela eo ba iketsetsang chelete ka eona.

O re esale ba qala leeto la mofuta ona kahar'a naha ba atlehile ho thusa ntate-moholo ea neng a sokola ho

Basotho." Ke Mositsi eo.

Leha ho le joalo leeto lena le hlalosa e le le letelele ka ho fetisisa kahar'a naha, kaha ba bapatsa naha le ho tsebahatsa libaka tse ntle tse ka khahlang balichaba, le ho bona hore qetellong Naha ea Lesotho e fetoha sebaka seo baeti ba sa feleng ho sona ho kenyetsa naha chelete ka bohahlauli kaha ho lokela ho be le barupeli ba litaba tsa nalane ba tsamaisang baeti. Bohlokoa bo bong ke hore

naha. A re leeto lena le leholo le lokela ho tšehetsoa ka matla ke 'Muso oa Lesotho hobane le tsebahatsa hantle nalane ea naha, ntlafalo ea eona le libaka tse khahlang tse etsang hore machaba a khahloe ke ho e etela.

O re moruo ha o holisoe feela ke hore batho ba nke maeto empa ho kena ha baeti kahar'a naha ho bapala karolo e kholo kholong ea moruo oa naha hobane libaka tsa khiri ea boroko, lijo, barekisi ba liaparo le batho ba natefisang meketjana ka litaba tsa nalane ba una molemo.

A re Basotho ba lokela ho ba motlotlo ka libaka tseo ba nang le tsona joaloka methipoloho, matsaranka a naha, metsi, boieane ba tlholeho le tse ngata, hobane ba linaha tse ling ba ikotla sefuba ka mahlabathe a bona. A re re le naha re boemong bo boholo ba ho ithekisa ka hoo Basotho ha ba etela linaheng tse kantle, ba be motlotlo ka mekorotlo ea bona.

E mong oa batšehetsi ba Leeto lena ho hlaha Standard Lesotho Bank, Manyethela Kheleli o hlalositse hore ke lekhetlo la pele ba tšehetsa Thaphoha Hiking Club 'me ba sa etsa boithuti kaha ba kentse letsoho ka chelete e kaalo ka M40, 000.00. O re taba e kholo ea banka ea habo ke

telele ba tšehetsa maeto a kang ana, 'me ntho e kholo ke ho khutlisetsa molemo sechabeng le ho bona hore kholo ea moruo oa naha e ba e ntlafetseng ka bohahlauli. O re leeto lena ha se taba ea motsamano oa monate empa ke ho beha naha boemong ba machaba.

Ho ea ka tlaleho ea Banka e Kholo ea Lefatše tlasa sehlooho sa Lefapha la bohahlauli (Tourism Watch) ea la 1 Motšeanong ngoahola, bohahlauli lefatšeng bo fihletse \$10.9 Billione eleng 10% ea moruo lefatšeng hape bo tšehetsa mesebetsi e 357 millione.

Ha lipalo-palo boemong ba hloahloa e ka Boroa ho Afrika SADC li supa hore ka selemo sa 2019 bohahlauli bo nyolohile ka 8 % moruong, 'me takatso ke ho bona bo phamoletsoe holimo SADC.

Bohahlauli bo ile ba nka karolo e ka bang 2.8% ea moruo oa SADC ka kotlolloho (US\$19.4 Billione) ka selemo sa 2017, empa ka ho kenya le merero ea ntlafatso tšebetsong e ile ea eketseha ho fihla ho ea ho 8 % (US\$56 Billione).

Ho ne ho e-na le mesebetsi e ka bang 2.5 millione e tšehetsoeng ka kotlolloho ke bohahlauli, ho feta mona 6.3 millione ea batho e ne e itšetlehile ka bohahlauli bakeng sa bophelo ba eona.

Morero oa SADC Tour-



fumana litsiane le hape fumane mofani ea tla ahela nkho ea tlokoetsing ntlo ea bolulo eo a neng e-s'o be lilemong tsa ho fumana chelete ea maqhekoana.

"Ha re tsamaea ha re shebe litaba tsa nalane le libaka tse ntle tsa naha feela empa re mamela ka hloko lithoko tsa sechaba le ho ithuta nalane ho latela litloaelo tsa

ha motho a tsamaea maeto ana o natefeloa ke moea o hloekileng oa naha.

Lebitsong la 'Mamekhatlo ea Mekhatlo ea Bohahlauli Lesotho, Adv. Makhehetha Motšoari o hlalositse hore ba motlotlo ho bona hore ho na le batho ba tšoereng ka thata ho matlafatsa litaba tsa bohahlauli kaha e le khubu e kholo ea moruo oa

ntlafalo ea moruo oa naha, le ho bona hore ba khutlisetsa molemo sechabeng. A re ha ba ntlafatsa bohahlauli ba bitsa chelete le hore naha e tla nolofalloa ke ho itsebahatsa machabeng.

Ha Lebohlang Lekhan-ya ho hlaha Lefapheng la Lithekiso Kampaning ea Metropolitan, a hlalositse hore ba sebelitse nako e

ism Programme 2020–2030 e na le morero oa ho bona kholo ea maeto a lipapali (multi-destination, cross-border travel).

Bohahlauli NSDP2 bo hloahiloe e le bona bona bo ka holisang le ho kenya letsoho kholong ea moruo oa naha ka hore Lesotho ebe naha e eteloang khafetsa le ho tsejoa machabeng.